



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-595-9/23**
Datum: **28.02.2024.godine**

«Agencija za vodno područje rijeke Save» Sarajevo rješavajući po zahtjevu pravnog lica „FARMA SPREČA“ d.o.o. Kalesija, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Donje Vukovije, općina Kalesija, na osnovu člana 109. stav (1) tačka 2 i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu „FARMA SPREČA“ d.o.o. Kalesija, daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Donje Vukovije, općina Kalesija, na zemljištu označenom kao k.č. broj 2719/2 do 2719/36 te dio k.č. 2719/1 i dio 2732 (n.p.) K.O. Vukovije, općina Kalesija.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
 3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu i u skladu sa priloženim dinamičkim planom, pod slijedećim uslovima:
 - 3.1. Da pravno lice „FARMA SPREČA“ d.o.o. Kalesija, obezbijedi da se sistem za prikupljanje, prečišćavanje i ispuštanje otpadnih voda nastalih u procesu rada farme muznih krava sa pratećim objektima, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se do 30.05.2024 godine izvrše radovi na čišćenju separatora i taložnika od strane ovlaštene firme a u cilju poboljšanja izlaznih parametre otpadne vode te da se nastavi sa redovnim čišćenjem separatora prema uputama proizvođače opreme-uređaja za prečišćavanje otpadnih voda.
 - 3.3. Da se do 30.05.2024. godine završe aktivnosti na taložniku (sabirnom oknu) a koji će obuhvatiti analizu stanja na terenu i pronalazak adekvatnog rješenja te realizaciju radova u svrhu sprečavanja prolaska krupnog otpada iz kanalizacije u separatore.
 - 3.4. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne farme može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju.
 - 3.5. Da se do 30.11.2024 izradi i reviduje investiciono tehničku dokumentaciju za sistem prikupljanja tretmana i ispuštanja otpadnih voda sa lokacije farme muznih krava sa pratećim objektima. Navedenim projektom izvršiti usklađivanje sa projektnom dokumentacijom novoizgrađenih objekta bioplinskog postrojenja.
- Investiciono-tehnička dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») –

pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata, koja su bitna za konkretan slučaj («Službene novine Federacije BiH», broj 31/15, 55/19, 41/20 i 63/22)

- 3.6. Da se do 30.11.2024 godine izvrši dopuna dokumentacije potrebne za pribavljanje saglasnosti od nadležnog organa za lagune za stajnjak-laguna 1 i laguna 2, izgrađene na zemljištu označenom kao k.č. 2719/31 i 2719/32 K.O Vukovije, općina Kalesija.
- 3.7. Da se do 30.11.2024 godine izradi i reviduje investiciono tehnička dokumentacija za sanaciju deponije za čvrsti otpad sa lokacije farme muznih krava sa pratećim objektima, a potrebne za pribavljanje saglasnosti od nadležnog organa.
- 3.8. Da se do 30.03.2025. godine pribavi Građevinska dozvola od nadležnog organa za sistem prikupljanja tretmana i ispuštanja otpadnih voda sa lokacije farme muznih krava sa pratećim objektima.
- 3.9. Da se do 30.10.2025. godine završe radovi na sistem prikupljanja tretmana i ispuštanja otpadnih voda sa lokacije farme muznih krava sa pratećim objektima u skladu sa projektnom dokumentacijom iz tačke 3.5. ovog Rješenja.
- 3.10. Da se do 30.12.2025. godine izvrše tehnički prijem na izgrađenom sistemu prikupljanja tretmana i ispuštanja otpadnih voda sa lokacije farme muznih krava sa pratećim objektima.
- 3.11. Da se do 30.08.2025 godine pribavi građevinska dozvola od nadležnog organa za lagune za stajnjak-laguna 1 i laguna 2, izgrađene na zemljištu označenom kao k.č. 2719/31 i 2719/32 K.O Vukovije, općina Kalesija.
- 3.12. Da se do 20.12.2025. godine završe radovi na sanaciju deponije za čvrsti otpad sa lokacije farme muznih krava sa pratećim objektima u skladu sa projektnom dokumentacijom iz tačke 3.7. ovog Rješenja.
- 3.13. Da se do 30.01.2026 godine pribave Upotrebne dozvole za izgrađenom sistemu prikupljanja tretmana i ispuštanja otpadnih voda i za sanaciju deponije za čvrsti otpad sa lokacije farme muznih krava sa pratećim objektima od nadležnog organa.
- 3.14. U toku izvođenja svih radova na predmetnoj lokaciji osigurati nadzor nad izvođenjem istih.
- 3.15. Da podnosilac zahtjeva prilikom korištenja predmetnih objekata i izvođenja navedenih radova obavezno provodi zaštitne mjere propisane u „Odluci o zonama sanitarne zaštite i zaštitnim mjerama za izvorišta Krušik“, (mjere propisane putem zabrana, ograničenja i drugih oblika kontrole ljudskih aktivnosti radi smanjenja rizika od zagađenja izvorišta ili drugih uticaja koji se mogu nepovoljno reflektovati na stanje izvorišta, njegovu izdašnost, kvalitet i zdravstvenu ispravnost vode).
- 3.16. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti u skladu sa članom 21. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
- 3.17. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24). Rezultate analiza dostaviti ovoj Agenciji.

Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.18. Ukoliko Vlada Tuzlanskog kantona propiše dodatne (strožije) uvjete od uvjeta definisanih članom 21. Uredbe o uslovima ispuštanja otpadnih voda u okoliš i sisteme javne kanalizacije.

- 3.19. Da se izvrši inoviranje „Općeg akta o održavanju, korištenju i osmatranju vodnog objekta i postupanju u slučaju kvara” u skladu sa izmjenama na terenu i stepenu realizacije radova.
- 3.20. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
- 3.21. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.22. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.23. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
- 3.24. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.25. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.26. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH”, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
5. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati AYP Sava i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
6. U periodu važenja ove dozvole, korisnik predmetnog objekta, „FARMA SPREČA” d.o.o. Kalesija, je dužan provoditi sve mjere i aktivnosti propisane istom.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
9. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
10. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

11. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24) sa rokom važenja do 30.06.2026. godine uz uslov da se aktivnosti obuhvaćene tačkom 3. dispozitiva rješenja u cjelosti poštuje.
12. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
13. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „FARMA SPREČA“ d.o.o. Kalesija, zahtjevom zaprimljenim 19.12.2023 godine se obratilo ovoj Agenciji za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Donje Vukovije, općina Kalesija, na zemljištu označenom kao k.č. broj 2719/2 do 2719/36 te dio k.č. 2719/1 i dio 2732 (n.p.) K.O. Vukovije, općina Kalesija.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 032-0-Reg-21-001043 od 13.07.2021. godine, izdatog od strane Općinskog suda u Tuzli-kopija,
- Uvjerjenje o poreznoj registraciji izdato 12.03.2014.godine, od strane Porezne uprave – Kantonalni ured Tuzla -ovjerena kopija,
- Ovjerena kopija uvjerenja o poreskoj registraciji, broj: 04/1-17-1-UPJR/1-2290-2/14 od 03.04.2014. godine, izdato od strane Uprave za indirektno- oporezivanje Banja Luka,
- Rješenje o vodnoj dozvoli broj: UP-I/25-3-40-023-7/19 od 24.07.2019. godine izdato od strane Agencije za vodno područje rijeke Save, Sarajevo,
- Rješenje o izmjeni rješenja o vodnoj dozvoli broj: UP-I/25-3-40-023-10/19 od 14.07.2020. godine izdato od strane Agencije za vodno područje rijeke Save, Sarajevo,
- Rješenje o izmjeni rješenja o vodnoj dozvoli broj: UP-I/25-3-40-023-14/19 od 31.03.2021. godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Rješenje o okolinskoj dozvoli izdato od strane Federalno ministarstvo okoliša i turizma, broj: UPI/05-2-23-11-200/19 FM od 30.11.2021. godine –kopija,
- Rješenje o odobrenju za građenje broj: 12-04/1-23-21851/09 od 23.11.2009 godine izdato od strane Ministarstva prostornog uređenja i zaštite okolice Tuzlanskog kantona,
- Rješenje o odobrenju za građenje broj: 12-04/1-23-020998/17 od 13.12.2018 godine izdato od strane Ministarstva prostornog uređenja i zaštite okolice Tuzlanskog kantona,
- Zbirni izvještaj o monitoringu kvaliteta i kvantiteta otpadnih voda „FARMA SPREČA“ d.o.o. Kalesija, za period februar 2022. godine do februara 2023. godine, urađen od strane „Instituta za hemijsko inženjerstvo“ Tuzla, februar 2023. godine,
- Uvjerjenje broj: 02/1-1-23-2-2282 od 01.04.2013 godine izdato od strane Službe za prostorno planiranje, građenje i komunalne poslove, Općina Kalesija,
- Upotrebne dozvole za bioplinsko postrojenje „Spreča 1“ broj 12-04/1-19-001525/22 od 09.03.2022 godine; „Spreča 2“ broj 12-04/1-19-008296/22 od 07.04.2022 godine ; „Spreča 3“ broj 12-04/1-19-008298/22 od 11.04.2022 godine; „Spreča 4“ broj 12-04/1-19-008299/22 od 21.04.2022 godine izdate od Ministarstva prostornog uređenja i zaštite okolice Tuzlanskog kantona,
- Ugovor o vršenju komunalnih usluga broj: 8-1-13/23 od 04.01.2023 godine zaključen sa KP „Komunalac“ dd Kalesija

- Godišnji ugovor o otkupu sekundarnih sirovina broj: 296/2020 od 13.07.2020 godine sklopljen sa „EKO SIROVINE“ d.o.o. Tuzla,

Tehnička dokumentacija

- Idejni projekat tretmana otpadnih voda u „FARMA SPREČA“ d.o.o. Kalesija urađen od strane „Zavod za vodoprivredu“ d.d. Sarajevo, septembar 2009. godine,
- Glavni projekat vodovoda i kanalizacije farme muznih krava –I faza nadstrešnica za muzne krave sa izmuzištem, urađen od strane „DIWANX“ d.o.o. Sarajevo, maj 2017 godine,
- Glavni projekat priključka novoplaniranih objekata na postojeći sistem odvodnje otpadnih voda na prostoru „FARMA SPREČA“ d.o.o. Kalesija urađen od strane „Instituta za hidrotehniku“ d.d. Sarajevo, novembar 2018 godine,
- Projekat izvedenog stanja postojećeg sistema prikupljanja otpadnih voda separatnog tipa, prečišćavanje otpadnih voda i ispuštanja prečišćenih voda na prostoru „FARMA SPREČA“ d.o.o. Kalesija, urađen od strane „Instituta za hidrotehniku“ d.d. Sarajevo, septembar 2018 godine,
- Projekat ispuštanja prečišćenih otpadnih oborinskih voda na prostoru „FARMA SPREČA“ d.o.o. Kalesija urađenom od strane „Instituta za hidrotehniku“ d.d. Sarajevo, novembar 2018 godine,
- Tehnička dokumentacija u elektronska formi – zadržava se).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozima, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-595-5/23 od 05.02.2024. godine.

Uvidom u dostavljenu dokumentaciju, izvršenim uviđajem i priloženim dinamičkim planom na licu mjesta može se konstatovati sljedeće:

Pravno lice „FARMA SPREČA“ d.o.o. Kalesija je posjedovalo Rješenje o vodnoj dozvoli broj: UP-I/25-3-40-023-7/19 od 24.07.2019. godine i Rješenje o izmjeni rješenja o vodnoj dozvoli broj: UP-I/25-3-40-023-10/19 od 14.07.2020. godine te Rješenje o izmjeni rješenja o vodnoj dozvoli broj: UP-I/25-3-40-023-14/19 od 31.03.2021. godine izdato od ove Agencije sa rokom važenja do 19.12.2023 godine. Navedeno Rješenje o vodnoj dozvoli izdato je u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20) uz uslov da se realizuju aktivnosti iz dinamičkog plana obuhvaćeni tačkom 3. Dispozitiva navedenog rješenja.

Prilikom uviđaja na terenu utvrđeno je da podnosilac zahtjeva je završio određen broj aktivnosti navedenih u dinamičkom planu a koji su uticali na smanjenje zagađenja voda, izvršio je instalaciju uređaja za tretman otpadnih voda.

Podnosilac zahtjeva je pribavio lokacijske informacije sa urbanističko tehničkim uslovima. Do dana vršenja uviđaja podnosilac zahtjeva nije dobio građevinske dozvole.

Realizovan je dio Glavnog projekta priključka novoplaniranih objekata na postojeći sistem odvodnje otpadnih voda na lokaciji „FARMA SPREČA“ d.o.o. Kalesija. Dio aktivnosti po navedenom projektu nisu završene a iste imaju uticaj na parametre otpadnih voda.

Nisu izvršene aktivnosti na sanaciji deponije za čvrsti otpad na način da se onemogući bilo kakvo isticanje i rasipanje opasnih i štetnih materija na tlo i u vode.

Farma muznih krava „FARMA SPREČA“ d.o.o. Kalesija, nalazi se u naselju Donje Vukovije, općina Kalesija, na zemljištu označenom kao k.č. broj 2719/2 do 2719/36 te dio k.č. 2719/1 i dio 2732 (n.p.) K.O. Vukovije, općina Kalesija.

Najbliži objekat (štala) iz kompleksa farme je udaljen od rijeke Gribaje vazdušne linije 120 m, a ujedno je južno od predmetnog kompleksa duž desne obale rijeke Gribaje izgrađen i zaštitni nasip kojim se štite poljoprivredne površine od velikih voda.

Lokalitet predmetnog kompleksa Farme nije bio niti je moguće da bude pod uticajem velikih voda ranga Q 1/100 rijeke Spreče i Gribaje kao i velikih voda okolnih regulacionih kanala na užem i širem području.

Predmetni kompleks farme se nalazi u III zaštitnoj zoni izvorišta „Krušik“, sjeverno od rijeke Gribaje i obodnog kanala površinskih voda sa lijeve strane odakle se vrši snabdjevanje vodom jednog dijela općine

Projektovani kapacitet farme je 2500 krava od čega je 1500 muznih krava i 1000 grla pratećih kategorija. Trenutno se na farmi nalazi 800 grla.

Proizvedene dnevne količine mlijeka otkupljuje mljekara „Milkos“ d.o.o. Sarajevo i odvozi vlastitim cisternama.

Kompleks farme muznih krava čine cjeline i to: upravna zgrada, stari objekti štala sa torom, porodilište, nadstrešnica za telad, nova nadstrešnica za muzne krave, izmuzište, mljekara, ambulanta, kanali za prikupljanje tečnog stajnjaka iz štala, sabirna jama, mješača jama separator, deponija krutog stajnjaka, dvije lagune za tečni stajnjak, objekti za silažu, sjenici i drugi prateći sadržaji vezani za djelatnost farme muznih krava (plato za mehanizaciju kotlovnica, agregat, dvoplašni rezervoar za gorivo, pumpa za gorivo, manipulativne i saobraćajne površine).

Snabdijevanje vodom za potrebe rada farme muznih krava vrši se iz vlastitog bunara. Za isti je urađen elaborat o kategorizaciji, a prema količinama zahvaćene vode (<10 l/s) izdavanje vodnih akata za ovu aktivnost je u nadležnosti kantona.

Otpadne vode na predmetnoj lokaciji nastaju u procesu čišćenja štala i prostora oko štala, osoke iz štala sa stajnjakom, otpadne vode od održavanja čistoće i higijene izmuzišta i mljekare, procjedne vode iz objekata za silažu i procjedne vode sa deponije čvrstog stajnjaka.

Otpadne vode iz štala zajedno sa osokom i stajnjakom se pomoću skrepera izvlači u izgrađeni sistem poprečnih kanala te istim odvođe u sabirnu jamu gdje se vrši miješanje, a u svrhu lakšeg transporta.

Svi objekti – štale uključujući i novu nadstrešnicu sa automatskim roto izmuzištem, u kojima borave krave imaju izgrađene sisteme sabiranja navedenih otpadnih komponenti (kanali, skreperi za zgrtanje i potrebno ručno zgrtanje) kao i odvodne kanale koji se završavaju u sabirnim bazenima gdje se vrši miješanje cjelokupne sadržine do potrebne razrijeđenosti se odvođe do mješače jame a potom u fermentore. Iz fermentora se vraća na separator gdje se vrši odvajanje čvrte i tečne faze. Tečna faza se zatvorenim cijevnim sistemom distribuira do konačnog odredišta –sabrne jame (laguna) zatvorenog tipa koja se dalje aplicira na obradivo zemljište.

Kruti otpad (đubrivo) i tečni stajnjak se nakon određenog vremena, potrebnog da se izvrši proces fermentacije, odvozi direktno na poljoprivredne površine.

Oborinske onečišćene vode nastaju na platou i saobraćajnicama između štala i drugih objekata kompleksa farme.

Oborinske otpadne vode sa platoa prikupljaju se putem slivnika i cjevovoda te odvođe do predtaložnika, potom taložnika i na kraju na separator. Prečišćena voda iza separatora se ispušta u otvoreni kanal izveden u glinovitom tlu i dug 4 km te ispušta u rijeku Spreču.

Postojeća đubrenka za odlaganje krutog otpada djelimično oštećena i sa jedne strane otvorena i da iz istih razloga dolazi do isticanja procjednih voda na okolni teren koje poniru direktno u tlo.

Predmetni kompleks farme se nalazi u III zaštitnoj zoni izvorišta „Krušik“ odakle se vrši snabdijevanje vodom jednog dijela općine Kalesija. U Prostornom planu Općine Kalesija 2008 do 2028 stoji da su Odlukom Općinskog vijeća Kalesija definisane tri zaštitne zone i prema navedenoj odluci kompleks farme se nalazi u III zaštitnoj zoni izvorišta „Krušik“, sjeverno od rijeke Gribaja.

Ne vrši se zbrinjavanje opasnog otpada od strane ovlaštene firme.

Na predmetnoj lokaciji se vrši skladištenje naftnih derivata u dvoplašnom podzemnom rezervoaru zapremine 25m^3 .

Na lokaciji predmetne farme su izgrađena biopliniska postrojenja.

Zbirni izvještaj rezultata ispitivanja kvaliteta tehnoloških otpadnih voda za period februar 2022. godine do februara 2023. godine, urađen od strane „Instituta za hemijsko inženjerstvo“ Tuzla, februar 2023. godine, ukazuju da slijedeći parametri kvaliteta otpadnih voda prelaze granične vrijednosti u prečišćenoj vodi (BPK_5 , HPK i ukupni azot) definisanih Uredbom o uslovima ispuštanja otpadnih voda u okoliš i sisteme javne kanalizacije.

Prilikom uviđaja utvrđeno je da na predmetnoj lokaciji se **ne vrši redovno održavanje** i korištenje postojećih vodoprivrednih objekata i sistema čija je svrha prikupljanje i odvodnja tehnoloških otpadnih voda. Navedeni problem utiče na izlazne parametre otpadne vode.

Nisu završene aktivnosti na sanaciji deponije za čvrsti otpad na način da se onemoguću bilo kakvo isticanje i rasipanje opasnih i štetnih materija na tlo i u vode.

U skladu sa članom 1. stav (1), (3), i (4) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) traženo je od podnosioca zahtjeva da dostavi dinamički plan koji treba da sadrži:

- Spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje tehnoloških otpadnih voda na obrascu iz Priloga A. ove uredbe, razrađen po godinama i mjesecima sa konačnim rokom realizacije najkasnije do roka 30.06.2026 godine.

Dana 27.02.2024 godine je dostavljen akt sa prilogom dinamičkog plana na obrascu iz Priloga A. Uredbe. U dinamičkom planu su navedene aktivnosti i rokovi sa finansijskom procjenom za ulaganje na izgradnji i puštanju u rad sistema za prikupljanje, tretman i ispuštanje tehnoloških otpadnih voda na lokaciji kompleksa „FARMA SPREČA” d.o.o. Kalesija za 2024. godinu i 2025. godinu i 2026. godinu. Aktivnosti i rokovi iz dinamičkog plana su propisani u dispozitivu ovog rješenja.

Na osnovu tereta zagađenja otpadnih voda „FARMA SPREČA” d.o.o. Kalesija iz farme muznih krava sa pratećim objektima, , urađen je od strane Institut za hemijsko inženjerstvo” Tuzla, juni 2022. godine Elaborat i utvrđen je ukupni teret zagađenja ES-a je 1775.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „FARMA SPREČA” d.o.o. Kalesija, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „FARMA SPREČA” d.o.o. Kalesija, Donje Vukovije bb, Kalesija
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo